


Minister Lampe a haci apertura di Conferencia di Unesco TOCANTE ESTADISTICANAN DI EDUCACION

GABINETE WEVER-CROES · THURSDAY, OCTOBER 18, 2018

Diaranson 17 october, Minister di Enseñansa dr. Armando Rudy Lampe a haci apertura di conferencia cu a tuma lugá aki na Aruba bou auspicio di UNESCO. UNESCO Aruba ta cay bou di su encargo di Ministerio di Enseñansa y ta forma parti di e plan di maneho en general di Minister Lampe.



E conferencia a hiba como titulo "UNESCO Sub-regional Education Statistics Workshop to improve the quality of the statistics to monitoring SDG 4 for Caribbean countries."



E conferencia a wordo dirigi door di UNESCO Institute for Statistics (UIS) y di parti di Ministerio di Enseñansa cu a organisa e conferencia ta sra. Lisette Thijzen conhuntamente cu e secretariado di UNESCO Aruba representa pa sra. Zetsia Ponson.

E actividad den su totalidad ta wordo ofreci via e: "UNESCO's Capacity Development for Education Programme", cual programa, Aruba ta haciendo bon uzo di dje. Na final Minister Lampe a agradeci e 3 representantenan di UIS cu ta bin di Francia, Canada y Chile y a desea nan un happy conference, cu ta parecido na e slogan di Aruba.

E conferencia aki ta den cuadro di e Plan Nacional di Enseñansa di Gabinete Wever-Croes y e desaroyo internacional den educacion. El a cuminsa diaranson 17 di october y ta termina diabierna 19 di October. Na e conferencia tawata presente representantenan di Corsou, St. Maarten, Suriname y claro diferente di nos stakeholders local.

“Aruba no por keda aïsla y definitivamente no por keda atras pa loke ta e cambionan cu ta tumando luga den nos sistema di enseñansa”, Minister Lampe a enfatisa.

